

Канон преподобной Евфросинии Полоцкой

Память празднуем 23 мая (5 июня)

Тропарь, глас 4-й

Подражаючи дванадесятолѣтна дванадесятолѣтну Христу, учившему во святѣлици Божію слову, последовала еси, Евфросиніе. Славу временную и земнаго обручника оставльши и вся мирская презревши, краснейшему паче всех Христе себе уневестила еси, крест вземши, путем ангельскаго житія шествующи и многая к Немѹ наставляючи, во благоуханіи міра в Небесный Чертог востекла еси, идеже моли, Егѹже возлюбила еси, о чтущих благочестно память твою.

Ин Тропарь, глас тойже

Богатство свое нищим расточивши и славу княжескую нивотѹже вменивши, обручника временнаго, красная дево, возгнушалася еси и, уневестившися Жениху Христу, Тому, яко же вѣно, чистоту душевную и телесную принесла еси, Евфросиніе. Емѹже ныне в веселии предстоѹ, поминай нас, чтущих память твою.

КАНОН, глас 6-й

Песнь 1

Ирмос: Яко по сѹху, пешешествовав Израиль по бѣдне стопами, гонителя фараона видя потопляема, Богу побѣдную песнь поим, вопийше.

Припев: Преподобная Мати наша Евфросиніе, моли Бога о нас.

От юности поучающися священным заповедем Господним и желаючи Емѹ Единому послужити, презрела еси славу и богатство міра сего.

Преподобная Мати наша Евфросиніе, моли Бога о нас.

Христа возлюбивши, родителей и сродников твоих и обручника земнаго оставила еси, преподобная, и монашеское житіе восприяла еси.

Преподобная Мати наша Евфросиніе, моли Бога о нас.

Скорби исполнися сердце отца и Матере твоей, егда во иночестем образе узрѣша ты, возлюбленную дочь свою, ты же словесы благими, вразумляюще тя Святому Духу, утешила еси их.

Преподобная Мати наша Евфросиніе, моли Бога о нас.

Яже в масле добродетелей свещу умасленну на срѣтение, мати, Жениха твоего возжже, просвети очи сердца моего, нощию житейскою омраченна, да достойно ты похвалю.

Слава: Ум старый в младе лет, мати, добывши, дерзаемо тело душе покорила еси, от юности впрягши под иго Христово и благодатное бремя легкое приемши.

И ныне: Скорбных наведения обуревают смиренную мою душу, и напастей облацы мое покрывают сердце, Богоневестная, но, Свет рождающая Божественный и Превечный, возсияй ми свет радостный.

Песнь 3

Ирмос: Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Преподобная Мати наша Евфросиние, моли Бога о нас.

В безмолвии со Единым Господем молитвою желаючи соединитися, при святей церкви Святаыя Софии в тесней келлии водворилася еси, преподобная.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

От труда рук твоих, преподобная, послужила еси Христу, Спасителю нашему, богоугодно упражняющися в переписании книг святых, и ценою, вземлемою за них, утешала еси нищую братию Христову.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

В кротости и смирении, в постех и молитвах, в трудех, и ночных бдениих, и молитвенных коленопреклонениях, усердно послужила еси Господу твоему, всечестная.

Преподобная Мати наша Евфросиние, моли Бога о нас.

Преподобная мати наша Евфросиние, моли Бога о нас.

Сна не дала еси очима, ни веждама дремания, Евфросиние, дондеже обрелиа еси во твоём сердце место достойнаго обительства.

Слава: Пустынелюбница горлица бывши, Евфросиние, и уединяющаяся птица на здании, гнездо духовное птенцем твоим создала еси и пожила еси от юности житием Ангельским, в телесе будучи.

И ныне: Удивила еси воистинну ныне на мне, Владычице, благодения Твоя, Богоотроковице, и милости Твоя, темже славлю Тя, и воспеваю, и почитаю многое и безмерное еже о нас смотрение Твое.

Господи, помилуй (трижды).

Седален, глас 4-й

Ангельскаго видения сподобилася еси, преподобная Мати Евфросиние, трикратно бо посети тя Ангел, возвещая ти волю Господню, да идиши на место, нарицаемое Селльце, и устроиши тамо обитель дев, Богу освященных.

Слава, и ныне: Единая истинная христиан Покровительнице, всяких лютых обстояний, бед и скорбей нас избави и молитвами Твоими спаси души наша.

Песнь 4

Ирмос: Христос моя сила, Бог и Господь, честная Церковь боголепно поёт, зываяючи, от смысла чиста о Господе празднующи.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Ангел возвести бывшему во дни твоя святителю Илию о тебе, преподобная, дати место, во еже обитель устроить.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Якоже возлежит на главе царстей венец, таяко почивает Дух Святыи на тебе, преподобная, – сице возвести Ангел святителю.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

И яко миро восходит к Богу, таяко восходит молитва преподобных, и яко солнце сияет на тверди небесней, тако просия житие Евфросинии пред Ангелы Божиими, – глагола Ангел в видении святителю.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Одежда нагим и богатство нищим, кормительница алчущим была еси и сирым мати, лютых избавляющи к тебе прибегающия, темже твоя во веки память пребывает, Евфросиние, Полотскому граду похвало.

Слава: Невеста Христова, мати, явися, масло многоблагоуханно совокупивши в девстве и обоуду возвеличивши его. И ныне радуешься вечно, в Обитель Небесную водворяющися и Божественную светлость приимаящи.

И ныне: И где прочее иное обрящу заступление? камо прибегну? где же и спасуся? кую теплую возымам Помощницу, скорбьми житейскими и бурями, увы мне! колэблему? На Тя Едину уповаю, и дерзаю, и хвалюся, и притекаю к Покрову Твоему: спаси мя.

Песнь 5

Ирмос: Божиим светом Твоим, Блаже, утренюющих Ти души любовью озари, молюся, Тя ведети, Слове Божий, истиннаго Бога, от мрака греховнаго зывающа.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Радости и удивления о видении Ангельском исполнися архиерей Господень и призваше тя, преподобная, возвестити ти чудное явление.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Волю Господа твоего со усердием исполнила еси, преподобная, и пришла еси на место, показанное ти Ангелом, и тамо водворилася еси.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

На Единого Господа возложивши твердое упование, ничтоже стяжала еси от имений, но в нищете евангельстей пребывала еси.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

На разумнем камени храмину неподвижому создала еси, славная, и треволения страстей отбегла еси, благоутешным Духом Параклитовым подымлема в Вышнюю и Божественную обитель.

Слава: Небрегши отчия славы и гордения, но одинокое житие и неимение, Евфросиние, возлюбила еси и, крест Христов на ramo вземши, последовала еси Ему, зовущему тя.

И ныне: Кий Тебе дар принесу благодарения за, ихже насладихся, Твоих дарований и Твоея безмерныя благостыни? Темже славлю, песнословлю и величаю

Твою неизреченную ко мне милость.

Песнь 6

Ирмос: Житейское море, воздвигаемое зря напастей бурей, к тихому пристанищу Твоему притек, вопию Ти: возведи от тли живот мой, Многомилостиве.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Видевше ангелоподобное твоё житие, многия девы восхотеша обручиться Христу и в чистом девстве Ему Единому послужити.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Сестра твоя, княжна Звенислава, подражаючи тебе, отвержеша славы и наслаждений мира сего и к тебе притече, иго Христова благое на себе восприняти.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас. ~ ~ : • * . ^

Видя умножающихся сестры твоя духовныя, Евфросиние всечестная, возжелала еси соорудити храм Господу Вседержителю, честного и славнаго Его Преображения.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

В чаши своей вино всею душею черпавши и столп доволен поставивши, воспела еси: хлеб мой яждьте и вино вси пейте, жаждующии.

Слава: Утревевши к Богу, голубице, была еси посребрена светло крилома, славная, златом же блещащи междурамя различным деянием.

И ныне: Утешение в скорбех всем, и недугов исцеление Тя знаю, Богомати, и всесовершенное сокрушение смерти, и реку живота неисчерпаемую, и всех, сущих в напастех, скорое и быстрое заступление.

Господи, помилуй (трижды). Слава, и ныне:

Кондак глас 8-й

Избранней Богом от самого рождения и призанней на служение Ему, в чине ангельством Господеви послужившей свято, и преподобно пожившей, и ныне с Небесными Силами Господа восхваляющей, о нас же, грешных, пред Господем ходатайствующей, с радостью и любовью воззовем: радуйся, Евфросиние, невесто Христова всечестная.

Икос

Ангельски на земли житие совершила еси, чистотою и смирением, кротостию и терпением, милосердием и воздержанием Господеви угодила еси, и ныне во светлостех святых почиваючи последи трудов своих, прими от нас пение сие: радуйся, девственнице душею и телом; радуйся, наставнице предивная инокинем; радуйся, еще на земли сподобльшаяся ангельскаго видения; радуйся, от Господа чрез Ангела устроить обитель повеление приемшая; радуйся, со усердием волю Господню исполняющая; радуйся, вся земная наслаждения мира сего Христа ради отвергшая; радуйся, Небесному Жениху, Иисусу Сладчайшему, себе обручившая; радуйся, в чистоте, постех и молитвах Тому послужившая; радуйся, безценное сокровище – пречестный Крест обители своей во освящение и утверждение

стяжавшая; радуйся, в трудах дневных и ночных житие свое совершившая; радуйся, в невечернем дни Царствия Божия ныне пребывающая; радуйся, Евфросиние, невесто Христова всечестная.

Песнь 7

Ирмос: Росодательну убо пещь содела Ангел преподобным отроком, халдеи же опаляющее веление Божие мучителя увещая вопити: благословен еси, Боже отец наших.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Не о своем точно спасении прилежаше ти попечение, преподобная мати, но о всех, ихже ти вверил есть Господь, ихже поучала еси в законе Господни, творити волю Его.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Образ была еси словесному твоему стаду, всечестная Евфросиние, дела благими, смирением возвышаясь, и кротостию привлекая, и терпением утверждая пребывать непреклонными в любви ко Господу.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Егда совершиашеся созидание храма Господня, Ангел возбуждаше строителя, глаголя: Иоанне, иди на строение храма Вседержителя.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Яко права ученица смиренного и мирного Христа, князем сродником, друг на друга дерзающим подъяти меч, возбранила еси, яко оружием обоюдоострым, пресекающим, словом Божиим устрашающим.

Слава: Издалеча собираючи Божественное богатство, яко далече ходяй корабль, борзописчими персты добре писала еси, Богодухновенная, поемлющи отай и дающи нищим.

И ныне: Всею душею, и мыслию, и сердцем, и устнами Тя славлю, насладився Твоих великих дарований, и Твоей благости, и безмерных Твоих чудес.

Песнь 8

Ирмос: Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети, Ты превозносим во вся веки.

Преподобная Мати наша Евфросиние, моли Бога о нас.

Преподобная Мати наша Евфросиние, моли БОга о нас.

С верою и твердым упованием помолилася еси, преподобная, ко Господу, и услыша Господь моление верных рабы Своей, и чудне совершися создание храма Его.

Преподобная Мати наша Евфросиние, моли Бога о нас.

Преподобная Мати наша Евфросиние, моли БОга о нас.

Радости и веселия исполнилася еси, преподобная Евфросиние, егда совершися освящение храма, в немже о еже прошением нашим услышанным быти от Господа со слезами молилася еси.

Преподобная Мати наша Евфросиние, моли Бога о нас.

Преподобная мѣти наша Евфросиние, моли БОга о нас.

Мощна бе пред Господем молитва твоя, зане храм, воздвигнутый тобою, чрез многая лета цел и невредим сохранися.

Преподобная Мати наша Евфросиние, моли Бога о нас.

Преподобная Мати наша Евфросиние, моли БОга о нас.

Избавление обрѣтши, Господи, горькаго осуждения, еже вкушения ради древа разумнаго Твоим распятием, Евфросиния постыщися бысть во вся среды и пятки, тело умерщвляючи, а душу оживляючи потщанием, божествующим в безвещественном теле.

Слава: Плодолетными вербами телесное деяние, яко на Вавилонстей реце, повесивши, в бури житейстей возопила еси: аще забуду тя, Иерусалиме, не предложивши в начале веселия, забвена буди десница моя и язык мой прильпниай гортани моему по правде.

И ныне: Обстояния, и скорби, и нужды обретоша мя, Чистая, и напасти житейския, и искушения отвсюду мя обыдоша, но предстани ми и покрый мя святым Твоим Покровом.

Песнь 9

Ирмос: Бога человеком невозможно видети, на Негоже не смеют Чини Ангельстии взирати; Тобою бо, Всечистая, явился человеком Слово воплощено, Егоже величающе, с Небесными вои Тя убожаем.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Возжелала еси имети во обители твоей икону Пречистыя Богоматере, юже и получила еси, и, радостно тую приемши, многая благодарения Господу и Пречистой Матери Его воздала еси.

Преподобная Мати наша Евфросиние, моли Бога о нас.

Преподобная ма"ти на'ша Евфросиние, моли Бога о нас.

Крест честный устроила еси усердием твоим, преподобная, и каплю Божественных Крове Христа Спасителя и часть Животворящаго Древа в нем положила еси на освящение и спасение всем, поклоняющимся ему и целующим его с любовью и страхом.

Преподобная Мати наша Евфросиние, моли Бога о нас.

Преподобная мѣти наша Евфросиние, моли Бога о нас.

Многая лета в тесной келлии, при храме Господнем, в молитвах и коленопреклонениях препроводила еси, преподобная Евфросиние, яко безплотна, на земли пребываючи.

Преподобная Мати наша Евфросиние, моли Бога о нас.

Преподобная Мати наша Евфросиние, моли Бога о нас.

Текла еси, яко же Царица не Южская, но с трепетом видевши рукотворную Церковь и гроб, в нейже тридневный Всетворец, Божия Мудрость вселися, и тамо благослови Бог прияти тя, добрая дево.

Слава: Ливан, и смирну, и злато волсви Творцу Тебе принесоша, Евфросиния же – душу, и тело, и житие непорочно, сраспеншися Тебе, Христе, и совоскресши Тебе и в безконечном Царствии с Тобою царствующи.

И ныне: Радость от Ангела Приёмшей и мы, по проречению Твоему, Пресвятая Деве, убожающе Тя со всеми роды, евангельски вопиём: радуйся, Благодатная, Господь с Тобою.